

The *Lucula noctis* Project
(<http://web.wlu.ca/history/cnighman/LN/index.html>)

Caritas e (1)

Hac ratione usus est Augustinus in libro De Doctrina Christiana dicens:

“Sola caritas est que vincit omnia et sine qua nichil valent omnia. Hec ubicumque fuerit, trahit ad se omnia.

Sola caritas est que uincit omnia et sine qua nichil ualent omnia, et que ubicumque fuerit trahit ad se omnia.

Amate scientiam sed anteponite caritatem.
Scientia si sola sit, inflat; quia vero caritas edificat, scientiam non permittit inflari.”

Lucula noctis, 13 (E. Hunt ed., p.121, ll.64-69).

Amate scienciam sed anteponite caritatem.
Sciencia si sola sit inflat; quia uero caritas edificat, scienciam non permittit inflari.

Augustinus de doctrina Christiana.

Manipulus flororum, Caritas e

Et utinam possint omnes de una charitate cogitare.
Sola est enim quae et vincit omnia, et sine qua nihil ualent omnia, et quae ubicumque fuerit trahit ad se omnia.

Ipsa est quae *non aemulatur*. Quaeris causam? Attende quod sequitur: *Non inflatur* (I Cor. xiii, 4). Prior est in vitiis superbia, ut dicere cooperam, deinde invidia. Non enim invidia peperit superbiam, sed superbia peperit invidiam. Non enim invidet, nisi amor excellentiae. Amor excellentiae, superbia vocatur. Cum ergo in ordine prior sit superbia, sequatur autem invidia; Apostolus in laudibus charitatis noluit dicere prius, *Non inflatur*; et postea, *Non aemulatur*: sed prius dixit, *Non aemulatur*; postea, *Non inflatur*. Quare hoc? Quia cum dixisset, *Non aemulatur*, quasi quae siturus eras causam, quare non aemulatur; subdidit, *Non inflatur*. Ergo si ideo non aemulatur, quia non inflatur; si inflaretur, aemularetur. Hoc in vobis crescat, et anima solidatur, quia non inflatur. *Scientia*, ait Apostolus, *inflat*. Quid ergo? scientiam fugere debet, et electuri estis nihil scire potius quam inflari? Utquid vobis loquimur, si melior est ignorantia quam scientia? utquid vobis disputamus? utquid ista distinguimus? utquid quod nostis admonemus, quod non nostis inferimus, si scientia cavenda est, ne inflet? Ergo amate scientiam, sed anteponite charitatem.
Scientia si sola sit, inflat. Quia vero charitas aedificat, non permittit scientiam inflari.

Augustinus Hipponensis, *Sermones de diversis*, 354.6 (PL 39, col.1566).